



Bosnia and Herzegovina
Federation of Bosnia and Herzegovina

CANTON SARAJEVO
Ministry of Internal Affairs

Broj: 01-11-4-10152-21

Dana: 19.07.2024. godine

Na osnovu čl. 100 i 110. Zakona o javnim nabavkama („Službeni glasnik BiH”, br. 39/14 i 59/22) i člana 21. stav (3) tačka c) Zakona o unutrašnjim poslovima Kantona Sarajevo („Službene novine Kantona Sarajevo”, br. 1/16, 26/19, 31/19 i 39/20) u postupku javne nabavke „Građevinski radovi na rušenju i uklanjanju objekta u Kolodvorskoj ulici“, ministar unutrašnjih poslova Kantona Sarajevo, d o n o s i

ZAKLJUČAK

o odbacivanju žalbe zbog nedostatka aktivne legitimacije

I

Odbacuje se žalba ponuđača „Bosman“ d.o.o., Sarajevo zastupanog po punomoćniku Zlatanu Alagiću, advokatu iz Sarajeva, zbog nedostatka aktivne legitimacije.

Obrazloženje

Dana 15.07.2024. godine zaprimljena je žalba ponuđača „Bosman“ d.o.o., Sarajevo, zastupanog po punomoćniku Zlatanu Alagiću, advokatu iz Sarajeva, na Odluku o izboru ponuđača u postupku javne nabavke „Građevinski radovi na rušenju i uklanjanju objekta u Kolodvorskoj ulici“ broj: 04-01-11-4-10152-17, od 02.07.2024. godine.

Žalba ponuđača je blagovremena i izjavljena od strane ovlaštenog lica.

Rješenjem Ureda za razmatranje žalbi broj: JN-2-03-07-1-1544-10/24, od 05.06.2024. godine utvrđena je nekvalifikovanost ponuđača „Bosman“, d.o.o., pa je na stranici broj 10 navedeno, kako slijedi:

Uvidom u ponudu ponuđača „Bosman“ d.o.o. Sarajevo ovaj organ je utvrdio da je isti u ponudi na stranici 32 kao dokaz ispunjavanja uslova iz tenderske dokumentacije iz tačke 10.3 podtačka 1) a dostavio račun o kupovini mašine CAT 330 D UHD na slovenskom jeziku.

Odredbama člana 57. stav (1) propisano je da u postupku javne nabavke kandidat/ponuđač pridržava se zahtjeva i uslova iz tenderske dokumentacije.

Ocjenjujući žalbeni navod u kontekstu tenderskih uslova i utvrđenih činjenica u spisu predmeta ovaj organ isti ocjenjuje osnovanim, iz razloga što je osporavani ponuđač postupio suprotno članu 57. stav (1) ZJN-a kada je u svojoj ponudi kao dokaz vlasništva za zahtijevanu mašinu iz tenderskog uslova propisanog pod tačkom 10.3. podtačka 1) a, dostavio račun broj 0037/14 od 22.05.2014. godine o kupovini mašine bager gusjeničar 330 D sa hidraulikom, oznake CAT 330 D UHD, što se nikako ne može dovesti u vezu sa propisanim dokazima koji su zahtijevani u predmetnoj tenderskoj dokumentaciji u vidu: „saobraćajne dozvole (dokument o registraciji), dokaz o vlasništvu mašina i kamiona ili dokaz o lizingu ili najmu istih i sl....“ jer iz dostavljenog dokaza-računa može se utvrditi



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba

da je predmetna radna mašina kupljena od strane ponuđača „Bosman“ d.o.o. Sarajevo (i to 2014. godine) ali se ne može nedvosmisleno utvrditi da li je predmetna mašina još uvijek u vlasništvu osporavanog ponuđača

Uzevši u obzir sve prednje navedene činjenice i okolnosti, te polazeći od toga da je nesporno da žalitelj nije ponudio prihvatljivu ponudu, te se ne može ocijeniti da je ispunio preduvjete za pokretanje postupka pravne zaštite u predmetnom smislu, kako to eksplicitno propisuje odredba člana 97. ZJN-a.

Stoga, imajući u vidu iznesenu pravno relevantnu činjenicu, da žalitelj nije podnio prihvatljivu ponudu, a imajući u vidu suštinski i formalni smisao odredbi iz člana 97. ZJN-a, te uobičajenu doktrinu nastupanja i nadmetanja u postupku javne nabavke, na bazi svih prednje iznesenih činjenica, uzevši svaki dokaz posebno i sve zajedno, zaključuje se da žalitelj nije učinio vjerovatnim da mu je bila ili da mu je u konkretnom slučaju predmetnog postupka javne nabavke mogla biti prouzrokovana šteta zbog postupanja ugovornog organa.

Uzimajući u obzir presude Suda Bosne i Hercegovine broj: S 1 3 U 033957 19 U od 06.04.2021. godine i broj: S 1 3 U 041210 21 U od 19.04.2023. godine, kao i Zaključke URŽ-a broj: JN2-03-07-1-1254-9/23, od 09.06.2023. godine i broj: JN2-03-07-1-1223-9/23, od 02.06.2023. godine, te Rješenja URŽ-a broj: JN2-01-07-1-3204-6/23, od 14.12.2023. godine i broj: JN2-01-07-1-948-10/22, od 21.04.2022. godine, a prema članu 97. ZJN („Službeni glasnik BiH“, br. 39/14 i 52/22), te odredbama člana 111.stav (1), tačka b), odbacuje se navedena žalba zbog toga što je izjavljena od lica koje nema aktivnu legitimaciju.

Pouka o pravnom lijeku:

Protiv ovog zaključka, a u skladu sa članom 100. stav (2) ZJN, dozvoljena je žalba Uredu za razmatranje žalbi u roku od pet (5) dana od dana prijema Zaključka.



Dostaviti:

1. Advokat Zlatan Alagić, ulica Vrazova broj 3, Sarajevo
2. Komisiji za javnu nabavku
- ③ 3. Kabinet ministra, stručnom savjetniku za odnose s javnošću i
4. A/a.



Adresa: Sarajevo, La Benevolencije 16

Tel: + 387 (0)33 286-701, 286-702,

Fax: + 387 (0)33 226-445

Web: <http://mup.ks.gov.ba>, Email: ministar@mup.ks.gov.ba